

入乃抱二人以巡吳苑越見二人在樹下皆
云神女望而不侵

陽山顧氏
刻梓家塾

寶橫記終

陽山新錄

吳中山水竒瑰秀拔陽山又爲吳之鎮去城三十里蟠蠹特異以其背陰面陽故曰陽山中有仙跡佛老靈輿之區山人莫詢郡乘不載故遊者不能知雖知不暇悉也余自埭川移家山中岳子素尚丘壑相與沈冥山水志道攸同雖一鵬一豆必命輿躋詩遂得寺觀者七古跡者四泉石者二晉栢一山房一共十五題題各紀之以詩首以大石近而勝也次以龍祠澄照廢而傷也次以文殊淨明罐山觀山嘉其偏也又次



曰箭缺曰丹井曰耙石曰仙洞曰壻壁曰水岩
曰晉栢喜其怪而竒也終之以脩綠山房者識
君子之考槃也遂名曰陽山新錄云吳郡顧元
慶序

大石雲泉庵

元慶

丹崖側立山之陽白日翻疑霄漢翔絕磴飛梁
還棟宇短壻曲逕自棕篁山中麋鹿安安下石
上烟霞裊裊長半壁諸公聯石句于今詞翰有
輝光

和

岳岱

一巘凌虛勢欲翔逶迤曲磴繞幽篁山僧入定
青春靜塵客來遊白晝長歸院石雲常棣宇近
簷花藥自陰陽人間我欲除煩惱看取靈珠午
夜光


龍母祠

元慶

神物千年產繆娥依然廟貌此山阿到門自覺
龍蛇動出谷常疑雷雨過異代棟梁歸浩劫只
今松檜孰搖訶邇來太守隨車澍一郡驚看潤
澤多

和

岳岱



石瀨淺淺山水蒼五湖祠廟接滿湘靈衣珠珮
無消息杜棟蘭檢有夕陽白酒土人來禱旱絳
韓玉女對焚香季春歲歲龍歸異千古風雲近
草堂

澄照寺

元慶

仙泉古寺白雲隈短杖攀躋搖落時夜靜不聞
遼鶴語碑空憶謝濤詩拄撐歲月還孤殿擁
護風雲有繆祠喘坐莓苔山寂寂一尊斜日有
餘悲

和

岱

秋日荒山自可哀昏冥聊借一銜杯錦開雙壁
雲中削翠積連峰天上來地冷佛香空草木雨
侵龍象半莓苔唐碑宋殿俱零落始信人間盡
劫灰


文殊寺

元慶

虛無指點古招提仄徑千盤欲盡躋仰面霏霏
空翠濕此身冉冉白雲齊庭中宿莽驚麇出拱
上新巢怖鷓鴣棲往日題名何處否黃昏松檜益
淒淒

和

岱



翠峰高處隱招提
繡壁禪林衆鳥棲
杯酒升沉看日月
杖藜巖壑動攀躋
塵心煩惱誰能釋
仙客浮遊我欲齊
回首上方煙霧鎖
下山松栢思淒淒

淨明寺

元慶

石逕岩堯碧寺通
老僧終日少迎逢
停輿隔竹鶯千囀
借榻連峯翠萬重
一鉢山厨常作供
六時金界自鳴鐘
廿年中鷄勞塵土
始覺空門萬事慵

和

岱

石磴盤迴繞上方
傍巖臺殿倚蒼蒼
塔前銀杏充僧供
爐底松花當佛香
高嶺星河嘗信宿
下山花竹又斜陽
却緣婚嫁飯依晚
未得辭家禮法王

確山道院

元慶

度嶺晶巖碧樹開
杖藜應趁白雲來
莫言物外浮丘伯
未識山中玄圃臺
瑤草石壇長歲月
松風澗水不塵埃
翠房縹緲簫聲發
會把流霞未擬回

和

岱



縵縵青山碧殿開
千峯紫翠一登臺
好花忽向遊人笑
冷鳥晴看小澗來
雲外酒杯空日月
人間身累亦塵埃
蓬丘未遇還丹訣
城郭秋風望
忽哀

甌山寺

元慶

南國風高秋可哀
空山無伴我重來
青林杳杳數峯出
白日荒荒一殿開
小徑故教穿竹嶼
長松何意護經臺
衰年不厭聞清梵
暫省塵緣坐
不回

和

岱

海上風煙白晝哀
林中碧寺客同來
霜清澗戶蕉猶綠
秋盡山堂菊纔開
處世百年真過隙
携壺今日是登臺
齊心未可捐身累
日暮人間首
重回


箭缺

元慶

兩峯中斷山椒起
云是秦皇一鑿穿
萬壑松濤雙筱底
三吳風物一尊前
濛濛元氣玄崖濕
藹藹嵩高雲翠壑
鮮欲酌公孫呼不起
晚來幽獨下
蒼煙

和

岱



箭缺中天積翠高諸山西擁似奔濤浮雲客到
春常濕絕磴難躋石更勞一片五湖看落日雙
眸百里見秋毫王喬自有芙蓉杖忽聽仙禽喚
九臯

丁令威丹井

元慶

憶昔鶴仙丁令威尚餘丹井鶴峯陞古苔不斷
侵重碧止水空憐結細漪伏火竟無丹客往操
轡還有野僧知人間物外俱陳跡華表月明空
爾思

和

岱

仙井依然古寺中試窺一鑑倒晴峯飛花水底
紅猶積古蘚山中綠自封千載無人丹竈滅一
杯留客野僧供我來矯首遼東鶴華表秋雲駐
短筇

耙石嶺

元慶

如畫如脛一嶺紆僊人曾此種瑤瑤藟苔隱見
齒跡古歲月憑凌石理踈崑璞荆璆非昔有桃
花流水是秦餘偶來只恐煙霞闕落日停輿一
笑舒

和

岱



種玉仙人去不返只今花落惟空山竒跡悠悠
白石在齒痕了了蒼苔間高天古寺已千歲曲
逕飛雲時一攀青牛白鹿不可見覽勝題詩真
等閒

鷄峯仙洞

元慶

鷄峯崔嵬半插雲上有靈區斷俗氛背日一門
通窈窕經時四壁濕氤氳丹砂狼藉千年跡異
草紛披五色文我欲幽探啓玄秘却疑人世已
千春

和

岱

育然一洞通林屋遙憶此山開鑿初高頂雲門
碧玉杖空腹石牀丹訣書蛟龍不知造物閔天
地故着真仙居我今投迹偶方士白虎青龍爰
駕車

白塔嶺石壁

元慶

塔嶺盤盤客倦躋倚空半壁插連漪故開返照
添新綺旋着歸雲弄晚姿的的珊瑚幽處結濛
濛蘿薛嶽中垂買山吾欲終長嘯先向巖前紀
近詩

和

岱



陽志金
一七
嶺下春雲寺欲迷山頭春日眼看低吳儂白堊
猶充貢神爵黃麻徒爾爲二壁丹青開綺麗千
尋薤鷲拂連漪堯封禹貢空寥落茅屋山林有
所思

滴水巖瀑布

元慶

翠巖遙望接氤氳山石稜稜路不分空外大聲
喧白日風前飛沫濕青雲無人澗上憐幽草有
蒼溪中知美芹茅屋松筠還谷口只今吾欲避
緇氛

和

蒼巖千仞接青雲巖下懸泉一水分雨後迅流
林谷振旱時不竭古今聞稼穡山田需歲稔品
題翰墨動新文探竒歷異平生事不覺西林下
夕曛

西龍祠古栢

元慶

何年古栢寺門裁故老相傳東晉來世短世長
忘日月龍來龍去劇風雷孤高未信神明力蹻
據還輸造物培谷口秋飈吹子落種成又見棟
梁材

和

岱



古栢蒼蒼東晉栽無人不道棟梁材
嵌中蜥蜴龍能化樹杪風雲氣忽來
身上紫藤留掛錫枝間香米落停杯
金沙寶樹消煩熱紅日清陰坐不回

脩綠山房

元慶

脩綠山堂千竹依寒嵐翠霧交霏
霏閉門卓午尊俎集解衣長嘯風塵
遠菊花對酒叢叢放木葉經霜冉冉
飛披豁共君忘日暮扁舟重待月明歸

和

岳

芙蓉黃菊相因依故人清尊約不違
谷鳥吟風日欵欵山雲出竹晴霏霏
不愁向市少沽值且喜看花無是非
清溪之邊東嶺上新月照君孤棹歸

吳多山水奇勝而吾寔產斯邦遊跡頗盡會心處或爲圖或爲詩輟復爲人持去今落落猶見於人間嘉靖己亥九月初霖雨初霽山高木空乃與大石山人顧君自雲泉庵而北以至雞籠甌山東踰白塘嶺以至礮山澄照南過耙石嶺轉而西至淨明寺復奮趾登箭闕憇文殊寺乃



歸余脩綠山房凡茲遊浹旬而止於有仙釋所
居泉石所樂顧君咸紀述而吟詠之余和之共
得七言近體詩三十首繕寫成帙置之几案他
日卧遊小齋亦陽山一公案也漳河岳岱識

陽山新錄

赤青元亥歲吳郡
顧氏刻於陽山
中堂之六石山房

讀書筆記

吳下祝 允明 著

歲乙巳允明居愛弗能四方讀書於事理之
理偶有所見隨筆筆記何就有道而正焉
學貴有常又貴日新日新若異於有常然有常
日新之本也

虎狼存父子之仁蜂蟻有君臣之義蠱蓋有時
而人也今人仁不如虎狼而虐如之義不如
蜂蟻而毒如之是人亦有時而虫矣然虫之
人也進也人之虫也退也人之不如虫也哀

